

IT'S XIAOTIME!

Naglilingkod sa Diyos at sa Bayan sa pagtuturo ng Kasaysayan

XIAOTIME, 6 December 2012: MGA KUDETA SA ILALIM NG PANGULONG CORY

by xiaochua

Broadcast of Xiaotime news segment yesterday, 6 December 2012, at News@1 and News@6 of PTV 4, simulcast over Radyo ng Bayan DZRB 738 khz AM:



(<https://xiaochua.wordpress.com/2012/12/07/xiaotime-6-december-2012-mga->

kudeta-sa-ilalim-ng-pangulong-cory/10-ito-ang-pinakamadugong-pagtatangka/)

Isang madugo at malungkot na eksena sa isang rooftop sa Makati noong kudeta ng Disyembre 1989. Mula sa aklat ng PCIJ na "Kudeta: A Challenge to Philippine Democracy."

6 December 2012, Thursday: <http://www.youtube.com/watch?v=k3rJ78s3E14>

Makasaysayang araw po, it's Xiaotime! 23 years ago today, December 6, 1989, nang ideklara ni Pangulong Cory Aquino ang Proclamation 503 na naglalagay sa buong Pilipinas sa State of National Emergency.



(<https://xiaochua.wordpress.com/2012/12/07/xiaotime-6-december-2012-mga-kudeta-sa-ilalim-ng-pangulong-cory/30-kailangan-niya-raw-maging-presentable-sa-media/>)

Dating Pangulong Cory Aquino: "Ang Babaeng Sintibay ng Bakal"

Binibigyan siya nito ng mas malawak na kapangyarihan upang pigilan ang ikapitong tangkang kudeta laban sa kanyang pamahalaan ng mga sundalo, na nagsimula noong November 29.



(<https://xiaochua.wordpress.com/2012/12/07/xiaotime-6-december-2012-mga-kudeta-sa-ilalim-ng-pangulong-cory/26-ang-anak-ng-pangulo-na-si-noynoy-aquino/>).

Ang anak ng Pangulo na si Noynoy Aquino habang pinoprotektahan ang kanyang ina noong kudeta ng Disyembre 1989. Mula sa aklat ng PCIJ na "Kudeta: A Challenge to Philippine Democracy."

Sinakop ang sentro ng negosyo sa Makati at ang Mactan Airbase at sinalakay ang siyam na instalasyong militar. Kinasangkutan ito ng tatlong libong rebelde sa ilalim ng 44 na opisyal, 21 koronel at pitong heneral. Nagapi ito ng December 9, 1989. Ito ang pinakamadugong pagtatangka—99 patay, 570 ang sugatan na karamihan ay mga sibilyan!



(<https://xiaochua.wordpress.com/2012/12/07/xiaotime-6-december-2012-mga-kudeta-sa-ilalim-ng-pangulong-cory/02-ikapitong-tangkang-kudeta-laban-sa-kanyang-pamahalaan-ng-mga-sundalo/>).


Pagsuko ng mga rebelde sa Makati matapos ang kudeta ng Disyembre 1989. Mula sa aklat na "Philippine Almanac."

Ang kudeta ay nagmula sa Pranses na *coup d'état* na ang kahulugan ay “strike against the state” o “golde de estado.” Isa sa mga nakahadlang sa lubos na pag-usad ng pamahalaan at demokrasya matapos ang People Power ay ang mga kudeta na ito na sa akala natin ay pitong pagtatangka lamang. Ngunit ayon kay Fidel V. Ramos na Kalihim noon ng Tanggulang Pambansa—siyam pala ang mga ito! Ang una ay ang July 6-7, 1986, 490 sundalo at 15,000 loyalista ang nasangkot sa pagloob sa Manila Hotel upang pabalikin si Pangulong Marcos; Ikalawa naman ang November 23-24, 1986 “God Save the Queen” plot. Walang dumanak na dugo ngunit muntik nang magkabarilan. Binalak ni Kalihim Juan Ponce Enrile at ng Reform the Armed Forces Movement o RAM;



(<https://xiaochua.wordpress.com/2012/12/07/xiaotime-6-december-2012-mga-kudeta-sa-ilalim-ng-pangulong-cory/18-god-save-the-queen/>)

Mula sa aklat ng PCIJ na "Kudeta: A Challenge to Philippine Democracy."



(<https://xiaochua.wordpress.com/2012/12/07/xiaotime-6-december-2012-mga-kudeta-sa-ilalim-ng-pangulong-cory/20-at-ng-reform-the-armed-forces-movement-o-ram/>).

Si Gringo Honasan at ang Reform the Armed Forces Movement o RAM. Mula sa aklat ng PCIJ na "Kudeta: A Challenge to Philippine Democracy."

Ikatlo ang January 27-28, 1987 na paglusob sa GMA-7, madugo; Ika-apat ang April 18-19, 1987, ang "Black Saturday" incident sa Fort Bonifacio na ikinamatay ng isang sundalo; Ikalima ay ang June 9-13, 1987 na pagsakop ng mga loyalista ni Marcos sa Manila International Airport, naagapan ang pagdanak ng dugo; Ika-anim ay ang pinakaseryoso sa lahat ng pagtatangka, ang August 28, 1987, kung saan sinalakay ang Camp Aguinaldo, Malacañang, PTV-4 sa Bohol Ave na ngayon ay ABS-CBN, Camelot Hotel, Broadcast City, Villamor Airbase, Camp Olivas, Pampanga, RECOM 7 Headquarters, Cebu at Legaspi City Airport. Nagbunsod ito sa pagkasunog ng GHQ ng Armed Forces sa Aguinaldo.



(<https://xiaochua.wordpress.com/2012/12/07/xiaotime-6-december-2012-mga-kudeta-sa-ilalim-ng-pangulong-cory/25-pagkasunog-ng-ghq-ng-armed-forces-sa-aguinaldo/>)

Pagkasunog ng General Headquarters ng Camp Aguinaldo, Agosto 1987. Mula sa aklat ng PCIJ na "Kudeta: A Challenge to Philippine Democracy."

Sa kudeta na ito na-ambush at nabaril ang anak ng pangulo na si Noynoy Aquino habang ang sundalo naman na nasawi sa Bohol Ave na si Sgt. Eduardo Esguerra ay pinarangalan sa pamamagitan ng pagpapangalan ng kalyeng nabanggit sa kanya. Matapos ang ika-pitong pagtatangka noong 1989, nagkaroon pa ng madugong pagsakop sa Cagayan ng gobernador nito noong March 4-5, 1990 kung saan isang heneral ang namatay at ang tangkang pagtatag apat na lalawigan ng Federal Republic of Mindanao noong Oktubre 1990. Noong kudeta ng Agosto 1987, may columnistang nagsulat na nagtago ang Pangulong Cory sa ilalim ng kama. Kahit na alegorikal lamang ito, sineryoso ito ng pangulo, ipinakita na wala siyang pwedeng pagtaguan sa kanyang kama at idinemanda ang columnist.



(<https://xiaochua.wordpress.com/2012/12/07/xiaotime-6-december-2012-mga-kudeta-sa-ilalim-ng-pangulong-cory/28-ipinakita-na-wala-siyang-pwedeng-pagtaguan-sa-kanyang-kama/>).

Paano nga naman magtatago? Mula sa aklat na "In The Name of Democracy and Prayer" ni Cory Aquino

Ano na lamang daw ang sasabihin ang AFP sa kanilang commander-in-chief? Ayon kay PSG Chief Voltz Gazmin, hindi niya nakita si Tita Cory sa ilalim ng kama, kundi nag-aayos ng buhok habang nagkakaputukan sa paligid, kailangan niya raw maging presentable sa media. Siya ang "pinakapanatag sa lahat." Ang pagtatagumpay niya sa siyam na kudetang ito ang nagpapatunay ng mga papuri ni Fidel Ramos sa pangulo, "Ang Babaeng Sintibay ng Bakal."



(<https://xiaochua.wordpress.com/2012/12/07/xiaotime-6-december-2012-mga-kudeta-sa-ilalim-ng-pangulong-cory/31-ng-mga-papuri-ni-fidel-ramos-sa-pangulo/>).

Si Cory Aquino at Heneral Fidel V. Ramos. Mula sa aklat ng PCIJ na "Kudeta: A Challenge to Philippine Democracy."

Nang mamatay si Tita Cory, nagpa-*sorry* ang ilang sumama sa mga kudeta tulad nina Rex Robles at Ariel Querubin at sinaluduhan ang pangulo. Ang marahas na himagsikan ay ginagawa lamang kung kinakailangan, kung masama ang namiminuno. Kung walang mabuting hangarin, tulad ng ipinakita ni Rizal kay Simoun sa *El Filibusterismo*, hindi magtatagumpay ang himagsikan at makakadagdag lamang sa pagkalugmok ng ating bayan. Ako po si Xiao Chua para sa Telebisyon ng Bayan, and that was Xiaotime.

(Manila Cathedral steps, 25 November 2012)

PUBLISHED: December 7, 2012 (2012-12-07T05:11:35+0000)

FILED UNDER: Uncategorized

TAGS: aquino : cory : fvr : kudeta : marcos : xiaotime